

Sabide ai 2 di Dicembr, consegne dal Premi a San Stiefin di Buie

I cuatri campions dal Nadâl furlan



Tes fotos: Giannino Angeli, pre Gianni Arduini, Andrea Risaliti e Paola Zelanda, i Premis «Nadâl Furlan».

Giannino Angeli, pre Gianni Arduini, Andrea Risaliti e Paola Zelanda a saran premiâts dal Circul culturâl Laurenzian di Buie

Giannino Angeli, pre Gianni Arduini, Andrea Risaliti e Paola Zelanda a son i cuatri campions de umanitat, di vite cristiane e di passion social che il Circul culturâl Laurenzian di Buie al à sielzut come spiei di mostrâi a la Comunitât furlane, par Nadâl dal 2017.

Sabide ai 2 di Dicembr, ducj i cuatri a cijaparun il Premi regional «Nadâl Furlan», intre serade di gale innaneade li de «Cjase de Zoventûn» di San Stiefin, pe XXXIX volte.

«Cun chest nestri premi – è motive la presidente dal Circul Laurenzian, Gloria Aita – o smirin di dâur un riconoscimentu a chës personis che a rapresentin un spiei positif pe Comunitât, umign e feminis che a son stâta bogns di riva à la ecelence in setòrs diférents (da la culture al art, da la medisine al voluntariat...), mostrant passion, grene robuste, impegn cristian. I zuri al à scrutinat un cuindis candidâts e al à fat la sô sielte cun convinzion».

Il Premi «Nadâl Furlan» al è prudelâ de Societât Filologî-

che Furlane e de Pléf di San Laurinç di Buie e al à patrocinî de Region, de Provincie d'Udin e dal Comun di Buie, che a son ancje lis istituzions rapresentâts te commission che e à sielzut i premiâts di chest an.

La ceremonie dai 2 di Dicembr e sarà animade di Monica Bertarelli, che e varà ancje il compit di coordena i intervents de corâl des vòs blançjus «Le Semicrome», cui scuelars de scuele di musiche de Fondazion «Bon» di Culugne e dal Istitut comprensiv di Tavagnâ, direzûts de mestre Anna Mindotti.

I cuatri vincidors di chest an a representin cuatri aspeti fondamentali de vite sociâl dal di vué: la cultura, la solidarität, il sport e la salut.

Giannino Angeli, nassut a Felet dal 1935, al sarà pubblichement onorât pal so impegn te vite de Societât Filologîche Furlane. Personalitat poliedrich, al è scrittor di poesij per furlan («Un cantarânt di puise» dal 1966 e je la sô prime racuelte) e di libris di caratar storic, massime su lis liendis leadis cu la Resistance

de cu la vuere di Liberazion (dal 1971, al à fat il so esordi cun «Carnia libera. La Repubblica partigiana del Friuli (estate-autunno 1944)». La sô sensibilità umane e la sô disponibilitât le à pandue ancje intant dal impegn amministrat, cuant che al jere sindic di Tavagnâ.

Su la schene di pre Gianni Arduini di Nimis e pese la ereditât grande di pre Milio De Roja. Al è lui, di fat, in zornade di vué, il responsabil de Cjase da l'Immaculat di Udin, dûla che a cijat fini acut un 60 fruts e zovins, par soli fressc e cence famee, passâts par strussilis di ogni fate. Il fin de cjase al è chel di garantir afet, istruzion e un mistir par podè vivi une vite positive. Pre Arduini al seguis ancje la cooperative «Nascente», dûla che personis con problemi leâts cul acut a tornin a cijatâ ecuilibri psicologjic e fisic. Prin di rivâ a Udin, al à stât capelan a San Zuan dal Nadison, amiant la esperience dal «Meeting dei zovins» e spandint il bonodôr de spiritualitat ecumeniche de Taizé par dut il Frûl.

Paola Zelanda e à fondât la clape «Basket e non Solo», che cumo e vuide come presidente. Il so fin al è stât chef di judeâ lis personis restâds pidimenterâs par colpe di incidents su lis strâds o sul lavor, in mût che il sport al deventâs par lór un jutori par tornâ a vivi cun grinte e cun passion, fasint garis di ogni nivel e sielzint di deventâ un spiei di volontât e di cur grant pe zoventut e paî fruts di scuele.

Il professor Andrea Risaliti al è il diretor del Centri paî traplants di fiât, di renis e di pancreas di Udin. Te sô atividat chirurgical che à fat plus di 3 mil intervents e passâts mil traplants.

In Kazakhstan, dûla che al à tacât a operâ un passât, ufrint la sô competence scientifice, al è calcolât un eroi nazional. Al è stât lui, di fat, a fâl il prin traplant di fiât fra personis vivis in chei País.

Il Premi «Nadâl Furlan» di Buie, se di una bande al vùl proponi spiei positifs par ducj, di ché altre al vùl palesa ancje l'agrât che la Comunitât furlane e à di vê par chei che le fasin cressi, medianât da la testimoneance di un impegn uman e professional d'alt nivel.

MARIO ZILI